

Obraćanje visokog predstavnika i specijalnog predstavnika EU Miroslava Lajčáka na otvorenju Investicijske konferencije Kantona Sarajevo



Program Bosne i Hercegovine za prosperitet

Dobar dan i dobro jutro, ekaselencije.

Dame i gospodo,

Drago mi je što mogu podržati ovu konferenciju s obzirom da se, poput sličnih događaja koje organizuju gradovi i regije širom Bosne i Hercegovine, direktno bavi najvažnijim pitanjem sa kojim se ova zemlja danas suočava, to je kako stvoriti nova radna mjesta i podići životni standard.

Vidim da su nam se jutros pridružili mnogi ljudi koji su zaslužni za poboljšanje i regulisanje ekonomskog života Sarajeva i okolnog područja. Želim čestitati svima vama koji ste dali svoj doprinos značajnim poboljšanjima u ekonomskom okruženju ostvarenim tokom proteklih godina. Kao rezultat nastojanja da se pojednostavi birokratija – na državnom, entitetskom, kantonalnom i opštinskom nivou – danas je

jednostavnije investirati u Bosnu i Hercegovinu nego što je bilo prije nekoliko godina.

Ali i dalje postoje značajni problemi, tako da ulaganja u zemlju neće bitno porasti dok se ti problemi ne riješe.

Danas imamo dobar razlog da vjerujemo da će ovi problemi doista *biti* riješeni, zato što je urgentno pitanje reorganizacije poslovnog okruženja u Bosni i Hercegovini konačno došlo u prvi plan političke debate.

Bosna i Hercegovina već ima sistem indirektnog oporezivanja koji je jedan od najmodernijih i najefikasnijih u Jugoistočnoj Evropi, a već su uvelikou toku i aktivnosti na uspostavljanju mehanizama koji će osigurati da se javna potrošnja održava na nivoima koji su u skladu sa državnim prihodima. Prema tome, u praktičnom smislu, postoje sve šanse da se ova mjera realizuje, a kada se realizuje, ona će pomoći da Bosna i Hercegovina postane konkurentnije investicijsko odredište i to u značajnoj mjeri.

Drugi prioritetni koraci u cilju postizanja brzih i suštinskih pomaka u smislu unapređenja poslovnog okruženja navedeni su u Platformi za akciju, koju su šefovi vlada potpisali u oktobru prošle godine. Ovi koraci predviđaju pojednostavljivanje birokratskih procedura, omogućavanje neometanog kretanja roba, usluga i kapitala, uklanjanje prepreka po pitanju mobilnosti radne snage, unapređenje sistema bankarske supervizije, modernizaciju zakona iz komercijalne oblasti, te uspostavljanje efikasnog Socijalnog i ekonomskog vijeća na državnom nivou.

Pravne, fiskalne i administrativne razlike između entiteta i između kantona i dalje predstavljaju ogroman i štetan *destimulans* za investiranje u ovoj zemlji.

Rezultat je manje radnih mjesta i više siromaštva.

Kad bi se mogao konsolidirati jedinstveni ekonomski prostor,

mogućnost brzog rasta poslovanja i stvaranja novih radnih mjesta bi se eksponencijalno povećala.

I na kraju, uspjeh ili neuspjeh ekonomskih reformi počiva na snazi onoga što se njima u stvari postiže, i kao što sam govorio na početku, najhitnije pitanje sa kojim se Bosna i Hercegovina suočava danas je kako stvoriti nova radna mjesta i podići životni standard – što je dvostruki zadatak na koji se ekonomske reforme moraju usredsrediti. Očito je da potencijalni investitori primarno traže poslovne prilike; korištenje ovih poslovnih prilika znači stvaranje novih radnih mjesta. Prema tome, kreatori politike bi trebali biti veoma zabrinuti ukoliko investitor naiđe na birokratske ili političke poteškoće jer će to imati negativan efekat na stvaranje novih radnih mjesta.

Ljudi u ovoj prostoriji su najbolje kvalifikovani da lobiraju za promjene koje je potrebno načiniti. Investitore često kritikuju zato što pokušavaju da utiču na kreatore politike. Ja bih zastupao tezu da je u Bosni i Hercegovini problem ponekad obrnut. Vi niste učinili dovoljno da primorate organe vlasti da urade ono što od njih tražite.

Postarajmo se da poruka sa ove konferencije bude jasna: investicije znače radna mjesta. Napori na racionalizaciji birokracije, eliminacija uskih grla i ubrzanje postupaka licenciranja – sve je ovo dobro za nova radna mjesta. Ometanje ovih napora ili jednostavno neposvećivanje pažnje njima – loše je za radna mjesta.

Međutim, uvjeren sam da će ova konferencija dati stvaran doprinos promovisanju bolje investicijske klime u Kantonu Sarajevo. Čut ćete mnoge uvažene govornike, i, možda, što je još važnije, predstavnike preduzeća koja su uspješno uložila kapital u Kantonu. Želim vam svaki uspjeh u ovoj konferenciji kao i u naporima da promovišete investicije u Kantonu i šire u BiH.

Hvala